



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

105 Visitare possunt Episcopi parochiales ordinis Hyerosolimitani in pluribus.

**urn:nbn:de:hbz:466:1-10316**

Ecclesiarum Prælatos, & rectores auctoritate Apostolica in conservatores eligere, & deputare, qui quandiu officium conservatoris exercent, à nemine possunt impediri, quo minus exequantur contra inobedientes sententias, censuras, & pœnas Ecclesiasticas promulgando, eod. fol. vers. nec non personas, & licet regulariter conservatores impedimento esse non possint, quo minus coràm Episcopo, sive alio superiore ordinario in criminalibus, sive mistis causis quis possit accusari, & conveniri, nec in civilibus  
 102 causis actor aliquem apud suos † conservatores iudices in iudicium trahere possit, litterarumque conservatoriarum beneficio ultra quinquennium nemo gaudere, nec conservatores Tribunal erectum habere valeant. concil. Trident. cap. 5. de reform. sess. 14. nec in causis, quæ iudiciale indaginem exigunt, procedere possint, cap. 1. in fin. & cap. fin. de off. deleg. in 6. & ibi Innoc. d. cap. 1. num. 4. in hoc tamen religio Hierosolymitana,  
 103 † & Universitates studiorum, & collegiorum à concil. declarantur exemptæ, etiam quòd causæ graves sint, & plenariam cognitionem requirant, sed, quoad Universitates, profunt tantum doctoribus, & scholaribus in eisdem universitatibus operam suam navantibus, congreg. conc. in declarat. super eo. cap. 5. de reform. in decis. sub tit. Lovanien. & Mediolanen.  
 104 † ac Oscen. omnibusque regularibus fuit concessum ut in civitatibus Italiæ sibi conservatores eligerent, coràm quibus convenirentur, semelque electos non mutarent, ac eorum nomina intra mensem Episcopis laicorum indicarent, 105 alioquin coram ipsis Ordinariis conve-

niri possunt, ut per congreg. ibid. super eo. cap. 5. in declarat., quæ incipit Sanctissimus.

Conservatore autem semel electo, illis non licet ab eo recedere, & ad alium conservatorem pro illius causæ expeditione confugere: ut ibidem super eod. cap. 5. §. quod Regulares, & alia regularia loca sub dispositione ejusdem decreti concilii non comprehenduntur, ut in eod. Decret. in fin. Et propterea juxta suorum privilegiorum dispositionem conservatores procedere possunt, præsertim contra eos, qui eorum privilegia infringere prætendant, gloss. in d. cap. 1. ibi Innoc. num. 1. de off. delegati. Idem contra exercentes in ipsos, & eorum bona, jurisdictionem, visitationem, correctionem, aut passagium, arretagia, gabellas, dacia, tractas, collectas, decimas, census, novalia, subsidia, etiam charitativa, congruas portiones, jucundum adventum, pastor bonus, aut alia onera, etiam jura synodalia, & Seminarii puerorum, ac pro reparatione pontium, fontium, furnorum, millorum, aut alia onera imposita, & imponenda ab ipsis, seu eorum colonis, laboratoribus, & personis ejusdem Religionis exigere prætendentes, qui omnes sunt exempti, ut in prædicta Bulla Pij IV. pag. 668. vers. nec non à solutione, & pag. 672. post med. vers. nec omnino, ac Pij V. constitut. 76. pag. 1038. Greg. XIII. motu proprio cap. 62. vers. nec non felicis. pag. 1287. concil. Trid. cap. 18. de reform. sess. 23. conservatores præfati procedere, & Religionem, ac alios prædictos tueri, & defendere tenentur.

Limitatur tamen † in Episcoporum visitatione, in his dumtaxat, quæ anima-

rum



rum eorum, illiusque exercituum, & sacramentorum administrationem respiciunt, quam, tanquam Sedis Apost. delegati, gratis & absque ulla ejusdem Religionis rectorum, & ministrorum impensa, & onere facere possunt, ut in ead. Bull. Pij V. cap. 139. incip. exposcit, & Gregor. XIII. cap. 88. incipien. consuevit sedes.

106 Secundò limitatur, † quoad personas vicariorum, militum, capellanorum, ministrorum servientium, adscriptorum, colonorum, procuratorum, ac familiarium eorundem, qui ecclesiis, aliisque locis dictorum militum actu non serviant, & intra eorum domos non resident, nec sub eorum obedientia vivunt, & qui legitime, ac secundum regulam dictæ Religionis professionem non fecerunt, contra quos Ordinarii, tanquam Sedis Apostolicæ delegati, habent jurisdictionem, & procedere possunt, concil. Trid. cap. 11. de resor. sess. 24. & Bull. Greg. XIII. cap. 67. incip. *circumspecta in omnibus*. & fuit decisum à sacra congreg. concil. ut in decis. manu script. mibi 146. quæ limitatio oritur, etiam ex dispositione eorundem privilegiorum ejusdem Religionis, quibus cavetur, † quòd privilegii tantummodo gaudeant, qui à Magno Magistro, seu de ejus licentia habitum susceperunt, & professionem emisertunt, nec v. g. abundis suffragentur. eo. Bull. Pij IV. fol. 669. ante medium. vers. quodque illi, quia privilegia sunt concessa principaliter in favorem Religionis, &

secundariò, personarum, quæ illi inserviunt.

Non viventes autem sub obedientia, nec inservientes, minusque residentes, aut legitime non professi, privilegiis gaudere non debent, quia cessat causa, ob quam fuerunt concessa. cap. cum cessante de appell. Felyn. in cap. cum accessissent. num. 24. const.

108 Ideo privilegium † concessum monachis, licet non sint clerici, super immunitate tutelæ, procedit, si in ecclesiis commorentur, non autem, si vagentur cap. generaliter, & ibi glo. in ver. devagantes. 16. quest. 1. & propter officium

109 † datur beneficium, sed scæminas sibi concubinas, ut sponsas eligentes, & ob fornicationem officium dimittentes, amittunt beneficia. cap. si quis sacerdotum,

110 & cap. eos etiam 2. dist. † Et cum parochiales conferantur, ut parochi per ipsos deserviant, & resideant, non residentes sunt beneficiis privandi, cap. quia nonnulli, & cap. relatum. de cler. non resid. Conc. Trid. cap. 1. post med. ver. eadem omnino. sess. 23. de resor. & Pius V. in Bull.

111 cap. 64. incipien. cupientes, † Quia etiam beneficia dantur, ut ecclesiis inserviat, si quis beneficiatus fuerit excommunicatus proventus Ecclesiastici sunt ei subtrahendi capitulo postoralis. in fine, de appellation. & cap. latores, de cleric. excomm. vel depof. quia, cum sit extra ecclesiam, nomine Ecclesiæ nihil potest possidere. cap. quo jure. vers. item relegantur. 8. dist. cap. eos qui 32. dist. & cap. quod autem 23. quest. 7.

DE